



UNIVERSITÄTS-  
BIBLIOTHEK  
PADERBORN

## **Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

§. II. Lutheri & Calvini errores referuntur,

---

[urn:nbn:de:hbz:466:1-77232](#)

facit, sed ordinat tantum. Ipso ergo faciente, pulchra sunt singularia. & ipso ordinante, pulchra sunt omnia.

**150.** Certum est etiam, quod Deus peccatoribus uitetur ut exequatur consilium voluntatis sua: sic proditione Iudee, & Iudeorum scelere, ad impiandum humanae Redemptio Mysterium usus est. Ut elevaretur Joseph ad felium & thronum Aegypti, non inutilis fuit Deo invidia fratre iphius, nec impudicitia uxoris Putiphar. Hinc est quod in Scriptura dicuntur aliquando peccata fieri ex imperio, consilio, & intentione Dei, quia scilicet haec exequitur Deus per hominum peccata. Unde Augustinus in Enchiridione cap. 101. Deus quafdam voluntates suas, utique bonas, implet per hominum voluntates malas, sicut per Iudeos malevolos, bona voluntate Patris, Christus pro nobis occisus est. Et cap. 100. **Hac sunt** (inquit) magna opera Domini, exquisita in omnes voluntates ejus, & tam exquisita, ut cum angelica & humana creatura peccasset, id est, non quod ille, sed quod ipsa voluit, fecisset, etiam per eandem creatura voluntatem, qua factum est quod Creator noluit, impleret ipse quod voluit, bene utens & malis, tanquam summum bonus, ad eorum damnationem quos iuste praedestinavit ad poenam, & ad eorum salutem quos benignè praedestinavit ad gratiam. Quantum enim ad ipsos attinet, quod ipse noluit fecerunt; quantum vero ad omnipotentiam Dei, nullo modo id efficere valuerit; hoc quippe ipso quod contra voluntatem Dei fecerint, de ipsis facta est voluntas ejus; propterea namque magna opera Domini, & exquisita in omnes voluntates ejus, ut miro & ineffabili modo non fiat preter ejus voluntatem quod etiam contra ejus sit voluntatem; quia non fieret, si non sineret, nec utique nolens finit, sed volens: nec sineret bonus fieri male, nisi omnipotens etiam de malo posset facere bene. **Hac** ille non minus acutè quam sapienter. Inde ergo Deus bene, unde nos male, quodque nobis non inutile modò, sed & malum ac noxiū, illi utile est & bonus. Unde Boetius 4. de Consolat. prosa sexta: *Sola est divina vis, cui mala quaqua bona sunt, cum eis competenter uendo, aliusquis boni elicit effectum.* Hac ut dixi certa & indubitate sunt apud omnes, sed gravis difficultas est, an peccata ita sublītē divina providentia, ut etiam aliquo modo subjiciantur ejus causalitati, pro cuius resolutione, quadam breviter huc observanda sunt.

**151.** In primis enim notandum est, duo in peccato commissiōis reperi, materiale scilicet, & formale. Formale peccati est ipsa deformitas & malitia per quam constituitur formaliter in ratione peccati, & mali moralis: sive haec consistat formaliter in privatione reftitudinis, sive in positivo, sive in utroque simul: de quo in Tractatu de peccatis. Materiale vero, est actus à voluntate elicitus, vel imperatus, qui est subjectum malitiae, dictumque malus moraliter, sive ab obiecto, sive à circumstantiis: de quo in eodem Tractatu.

**152.** Notandum tertio, materiale peccati, sive fundamentum malitiae moralis, posse duobus modis considerari. Primo formaliter & reduplicativè, prout scilicet fundat ipsam malitiam & deformitatem. Secundò materialiter, seu specificativè, quatenus dicit illud quod alias est materiale & fundamentum malitiae peccati, non tamen prout est hujusmodi. Sicut possumus considerare fundamentum relationis, & formaliter quatenus est fundamentum, & materialiter, quatenus est res qua alias ejus fundamentum est. Unde

**A** sicut fundamentum relationis absolutè & materialiter sumptum, pertinet ad suum speciale genus: putà substantiæ, qualitatis, vel actionis: quatenus verò fundamentum formaliter & reduplicativè, reducitur ad lineam relativorum, tanquam initiativum ipsorum. Ita materiale peccati, absolutè & materialiter sumptum, pertinet ad lineam entis & boni transcendentaliter. Formaliter verò & reduplicativè consideratum, pertinet reduplicativè & initiativè ad lineam mali moralis, veluti initiativum ipsius.

Notandum quartò, duplēcē dari in Deo motionem. Unam generalē, quā ut provisor universalis exhibet auxilium & concursum, qui absolutè necessarius ut est homo per rationē determinetur sead id quod est bonum verum vel apparet. Alteram verò specialem, per quam Deus specialiter movet ad aliiquid determinatè volendum, quod est verum bonum; nempe consilio, inspiratione, præcepto; & tunc fungitur munere provisoris particularis, de nobis solliciti, nosque in agendo non solum ad bonum transcendentis, sed etiam ad bonum honestum, & nostræ naturæ congruum, ordinantis: quod ut melius percipiatur.

Notandum quintò: inter haec duo genera motionis, plura interesse discrimina. Prima enim, ut diximus, est generalis, & communis omnibus causis secundis. Secunda specialis, nec potest convenire nisi creature rationali. Prima pertinet ad ordinem physicum, secunda speclat ad ordinem moralem. Prima est præcisiva, & attingit solum in actu ad quem movet, entitatem, actualitatem, vitalitatem, bonitatem transcendentalē, aliaque rationes ad lineam entis pertinentes; & abstracta deformitate & malitia morali, que per accidentem, & ex defectibilitate creature rationalis, aucti liberò adjungitur. Secunda verò non est præcisiva, sed terminatur ad actuū ut vestitum omnibus circumstantiis, & secundūm omnes conditioines & modos quos recipit ab operante; unde si actus ad quem movet sit malus, & regulis morum disformis, talis motio, secundariō saltem & indirecte, ad ipsam malitiam, & deformatitatem se extendit.

### §. II.

Lutheri & Calvini errores referuntur.

**L**utherus & Calvinus, duo præcipua antiqui draconis capita, ad quorum vipereos sibilos totus orbis cohorruit: exilitantes liberum arbitrium per peccatum originale in nobis esse extinctum, & divinum decretum humanae voluntati necessitatem imponere, nihilque in mundo liberè & contingenter evenire: consequenter ad hunc errorem, dixerunt, non esse in potestate hominis vias suas bona aut malas facere, sed hominem à Deo necessitari ad peccandum; illumque operari in nobis opera mala, sicut & bona; voluntate humana merè passivè se habente, vel solum spontaneè concurrente. Ita docet Lutherus in assertiōibus, assert. 36. quem sequitur est Calvinus lib. 3. instit. cap. 23. num. 3. ubi ait, *Deum esse authorem criminis se centies confiteri.* Et in eodem libro irridet distinctionem Catholicorum distinguientium inter permissionem peccati, & ejus effectionem, & dicit, *Deum esse eorum omnium authorem, que isti Censores (sic Catholicos vocat) volunt otioso tantum permisso contingere.*

Docet etiam Calvinus, Deum tentare positivè homines ad peccandum, & ad eos tentandos uti opera

opera Dæmonum, subindeque non solum physice, sed etiam moraliter ad actus malos & peccaminosos homines premoveare. Ita afferit lib. 2. infit. cap. 4. num. 2. his verbis: *Sathan ipse, instrumentum cum sit ira Dei, pro ejus mali ac imperio, hoc atque illuc se inflectit, ad exequenda ejus iusta judicia.* Et infra docet. duobus modis Deum concurrere ad malitiam peccati, & ad obduracionem atque excacationem, deferendo scilicet, seu subtrahendo gratia (quem modum Catholicus cum Augustino admittunt) & operando per ministerium dæmonum, instigantium homines ad peccatum.

157. Plura alia extabant loca in Calvinii institutionibus, quibus expresse & in terminis profitebatur Deum esse autorem peccatorum, etiam quantum ad malitiam & deformitatem quam de formaliter important, sed ea in postrem editionibus à Calvinistis erasa sunt, ut iam secundum, tamque pudentum sui magistri errorem occultarent, sicut restatur Andreas Duvalius, Doctor Sorbonicus, tomo 1. in secundam secundae, paginâ 53. his verbis: *His subiungam Calvinii institutiones namquam fuisse recusas, quin pleraque, & quidem maximi momenti, vel ab ipso cum vivere, vel à Ministris post ejus mortem rurata sint, ut in articulo de causa peccati: in prioribus quippe editionibus, claram & distinctam, Deum peccatorum non tantum secundum substantiam, sed etiam secundum malitiam et deformitatem, autorem statuit: in posterioribus vero, et si rem ipsam retineat, mollioribus tamen verbis, & aliquo pacto ambiguis, ad evitendum ursum. Ut ergo Catholicæ fideli veritas magis eluceat, & firmiter stabiliatur, duplex hic Lutheri & Calvini error, breviter confutandus est; postea Catholicorum sententias referemus, & Thomistarum doctrinam a censuris & impugnationibus Adversarij vindicabimus.*

### §. III.

*Primus error Calvini refellitur.*

158. **D**ico primò, Deum nullo modo causare peccatum quâ tale est, secundum malitiam & deformitatem quam de formaliter important, sed illud esse à sola voluntate creata, deficiente, & operante diffiniter ad regulas mortu. Conclusio est certa de fide, definita in Tridentino sess. 6. can. 6. his verbis: *Si quis dixerit non esse in potestate hominis, vias suas malas facere, sed mala opera, ita ut bona, Deum operari, non permisive solum, sed etiam propriè, & per se, adeo ut sit proprium ejus opus, non minus proditio Iudei, quam vocatio Pauli, Anathema sit.*

Colligitur etiam ex variis Scriptura locis, in quibus divina sanctitas commendatur. Dicitur enim Psalmo 5. *Non Deus volens iniquitatem tu es.* Psal. 144. *Iustus Dominus in omnibus viis suis, & sanctus in omnibus operibus suis.* Abacuc. 1. *Mundi sunt oculi tui ne videas malum, & repicere ad iniquitatem non poteris.* Item Augustinus 5. de civit. cap. 9. dicit, quod *Mala voluntates à Deo non sunt, quia contra naturam sunt quæ ab ipso est.* Et Fulgentius lib. 1. ad Monimum cap. 19. *Illi rei Deus ultor est, cuius author non est, id est iniquitatis, quam potest Deus punire, non facere.* Denique S. Prosper in Catmene de ingratia habet hos versus:

*Per Verbum omnipotens, Deus omnia condidit unus,  
A quo natura est nulla creata mali.*

159. Probatur secundò conclusio hac ratione quâ utitur S. Basilus. Sicut Deus est prima veritas, &

*Tom. I.*

A infinita sapientia: ita & summa bonitas, & perfecta sanctitas. Unde sicut ratione sua veracitatis, & infinitæ sapientiae, non potest mentiri, nec fallere, aut falli: ita ratione sue sanctitatis, & bonitatis infinitæ, neque potest peccare, neque ad peccatum concurrere. Quam rationem etiam tangit Philo Judeus in libro de confusione linguarum, ubi dicit, *Deum bonorum tanum esse causam, mali autem proorsus nullius: quandoquidem ipsum bonum omnium antiquissimum est, & perfectissimum: decet autem sua natura propria operari, optimum optima.*

B Probat tertio conclusio ratione quam insinuat D. Thomas in 2. dist. 37. quæst. 2. art. 2. Defectus qui est in effectu non debet attribui cause universalis & remote, sed proxima & particulari. Nam defectus claudicationis non est ab anima, aut à virtute motiva, sed à tibia curva, & defecuo. Item defectus floritionis, vel fructificationis in arbore, non est à celo, vel à Sole, sed à terra, vel radice. Cùm ergo Deus sit prima, & universalissima omnium cauarum, per se primò attingens in rebus creatis rationem entis, & actualitatem existentia: defectus naturales, vel morales, qui contingunt in causis inferioribus, naturalibus, vel liberis, non debent illi attribui tanquam causa, sed reduci in causas secundas deficientes, & in voluntatem humanam, diffiniter ad regulas morum operantem.

C Probat quartò: Peccare est deficere à motione primi moyentis, & ab illius fine & scopo declinare: Ergo repugnat quod divina providentia hominem moveat ad peccandum, seu quod per suam motionem sit causa peccati. Consequentia pater, Antecedens etiam non est minus evidens, peccatum enim in eo consistit quod deficitus ab ordine & motione primæ cause, ac declinamus à fine & scopo illius: unde a Dionysio 4. de divin. nomin. malum dicitur esse præter principium, præter viam, præter finem & scopum, & D. Thomas quæst. 3. de malo art. 2. ait quod *defectus consequitur in actione, ex hoc quod agens deficit ab ordine primi movimenti, sicut artifex non peccat contra artem, nisi quando non sequitur motionem & directionem artis, & instrumentum non deficit, nisi quatenus non sequitur actionem causa principalis, & tibia non claudicat, nisi quia propter suam curvitatem, se subtrahit à rectitudine motus ad quem anima, mediæ potentia gressivæ, illam applicat.*

D Denique potest suaderi conclusio aliâ ratione 162. quam tangit idem S. Doctor 1. 2. quæst. 79. art. 1. his verbis: *Deus non potest esse directè causa peccati, vel sui, vel alterius, quia omne peccatum est per recessum ab ordine qui est in Deum sicut in finem: Deus autem omnia inclinat & convergit in seipsum, ut dicit Dionysius cap. 1. de divinis non minibus.* Hunc propterea concipit Boëtius tanquam in excelsò folio confidentem, & omnia quæ de conproducit, ad se reducentem, quod ni faceret, omni relaberentur in nihilum. Verba ejus sunt:

*Sedet interea Conditor altus,  
Rerumque regens flectit habendas,  
Rex & Dominus, fons & origo,  
Lex, & sapiens arbitrus aqui;  
Et quæ motu concitatire,  
Sistit retrahens, ac vaga firmat,  
Nam nisi rectos revocans itus,  
Flexos iterum cogat in orbis,  
Quæ nunc stabili continet ordo,  
Discepit suo fonte faticant.*

Viii